

# EXAMINATIONS COUNCIL OF ZAMBIA

Examination for School Certificate Ordinary Level

**Icibemba**

**3153/1**

**Ipeepala Iya Bumo**

**Tuesday**

**6 NOVEMBER 2018**

**Fiimbi ifyakubomfya: Buukuleti wa maasuko**

**Inshita: Insa Shibili**

**Ifipoope ku Baleelemba Amashindano**

Lemba ishina lyobe, inambala ya cifulo uleelembelapo elyo ne nambala yoobe mu mipokapoka ili muli buukuleti wa kulembamo amaasuko.

Ili ipeepala likwete ifipande fitatu (3)

Mu cipande cabumo, ufwile waasukafye ilipusho limo (1) pa meepusho yane (4) ayapeelwe, elyo waasuke ameepusho ukufuma mufitabo fine (4)

Ubelenge ifipoope ifili pamo na meepusho ku lubali lumbi ulwa ili peepala.

Wasuke ameepusho yonse mu Cibemba.

Ulembe amaasuko muli buukuleti wa kwasukilamo uo bakupeelee. Nga caakuti uleelemba maasuko ukucila pali buukuleti umo, aya mabukuleti uyabiike no kuyakaka pamo.

**Icishibisho ku Baleelemba Amashindano.**

Amatoni ayaleepeeelwa pali cila liipusho nayalembwa pa mpela mu tushilwa ngeefi [ ]

Tumusange taatwasuminishiwa mu mashindano.

**gidemy.com**



**ICIPANDE CA BUMO – UKULEEMBA UMULANDU [40]**

**1 Pa milandu ine iili peesamba, lemba pali umo (a) nangu (b) nangu (c) nangu (d). Ubutali bwelyaashi bufwile ukuba ulubali lumo ulwepeepala na citika nangu imbali shibili eepela (eemukuti mulembe mu mashiwi imyanda ibili naamakumi yasaano nokuya pa muulu, lelo wicisha pa myanda itatu naamakumi yasaano) (250 – 350). [40]**

**(a)** Muno caalo cesu ica Zambia, twalikwata inshiku-nkulu na ukusefya kwa ntambi mu mitundu iyalekana lekana pamo nga Umutomboko, Kuomboka, Nchwala, Ukusefya pa njwena, Icaya, ubuntungwa, Ipasaka elyo nashimbipo.

Londololapo ukusefya kumo waishiba elyo na ubukankala bwa ba mukusefya kwine uku.

**(b)** Waliya kukutandala ku Lusaka. Kwapona ubulwele bwa kolela elyo ubuteeko (Kamfulumende) bwabiinda abantu ukwenda: ukwingila nangu ukufuma mu Lusaka pakulesha ukusalangana kwa ubu bulwele.

Lembela kafundisha-mukalamba umulondolwele ico ukacelelwa elyo neefyo ubuteeko buletukuta ukucimfya ubu bulwele.

**(c)** Ukulingana na intambi shesu umwana nga aba na utumyaka twakufyalwa tunono alingile ukutampa ukusambilila imilimo ya mu mpanga na mumushi pakuti nga akula takwete bwafya mu mikalile yakwe. Lelo abasungu baliisa kanya abati kucuusha abaana "child labour." Londolola ububi nangu ubusuma bwaba muli iyi micitile (ulutambi).

**(d)** Leemba ilyashi usondwelele nga ifi: .....

Cine-ciine aba Bemba tababepa pakutila "Umusuku ubi, utushe impanga".

**ICIPANDE CA BUBILI - IFYA MUFITABO [40]**

**1 Afrika Kuti Twabelela Uluse leelo Teekuti Tulabe (S M Kapwepwe) [10]**

Belenga aya mashiwi yali peesamba elyo wasuke ameepusho ayakonkelepo.

Batiini, 'akanwa kamo keene kaleelisha impulu na umunsooli? Eecilya batiila kaakolwe kalikucina abanankwe amenda yakabe keena bakacine, mwangoca mwe banandi mwangoca.'

**(a)** Muli aya mashiwi wasoma pa muulu muli insoselo shibili. Lembamba ishi insoselo elyo ulondolole ifyo shilepilibula. [2]

**(b) (i)** "Uuleelisha impulu na umunsooli" elyo na "kaakolwe" muli aya mashiwi fileiminina ibumba limo-line ilya bantu. Liibumbanshi? [1]

**(ii)** '... keena bakacine ...!' Nga ba muli ili shiwi eena aleiminina ibumbanshi? [1]

**(c)** Londolola imilandu ibili iyo kalemba aaleelandapo iyo twingatiila yaali iyayaana na cila-nsoselo aabomfesho muli aya mashiwi yali pa mulu. [6]



**2 UBUSUMA BUBILI (S.A Mpashi) [10]**

- (a) Lumbula ubusuma bubili ubo kalemba aleelandapo muli ici citabo. [2]
- (b) Mu citabo kalemba aalaanda pa kuwamya umubili onse aatila, 'Paanuma paalyafya cinoono pantu tusamba umunshilolako'. [1]
- (i) Londolola umwalola ukusamba umunshilolako. [1]
- (ii) Pakupwisha ubu bwine bwafya ubwakusamba umunshilolako, ninshilanshi shibili isho kalemba atweba isho twingabomfya? [2]
- (c) Pakupanda abalumendo ukuteekanya pa kusala umwanakashi wa kuupa, kalemba abomfya amashiwi aya, 'Umuntu kuti aalya icumbu cakukokota nga aleefwaya, atemwa kuti alya icaipikwa nomba icumbu icakunkuma ceena mwandi teepabubi.'
- Muli aya amashiwi, teecumbu ici tulima mu mputa kalemba aleelandapo iyoo, aleelasha ku banakashi. Ukulingana neefyo wabelenga, londolola umwanakashi uo aya mashiwi yakumine.
- (i) icumbu icakukokota [1]
- (ii) icumbu icaipikwa [1]
- (iii) icumbu icakunkuma [1]
- (d) Lumbulapo ifunde **limo** ilikalamba ilyo kalemba atupeela pali cila mulandu pali ii ipeelwe peesamba.
- (i) umwenso [1]
- (ii) ubwalwa [1]

**3 IMBILA YA BULANDA (M C Chilundo) [10]**

Belenga aya mashiwi yali peesamba elyo wasuke ameepusho ayakonkelepo.

"Makaikala aikatisha ishiwi ati: we cintu noobe ulabipa ee!"

- (a) Londolola icalengele Makaikala ukulanda amashiwi aya. [2]
- (b) Icibemba citila, "Ijwena ilepaanga kanshi ili mu moonoo." Londolola ifya citikile ba Makaikala ifiletulanga ukuti cine-cine ii nsoselo ya cine. [2]
- (c) "... ici ceena ca maano. Pantu batila, "Uushilwila mutembo wa mubiye no wakwe aupokwa!."
- (i) Naani asosele aya mashiwi? [1]
- (ii) Mutembo nshi uyu muntu aleelandapo? [2]
- (d) "... mwana wandi ... walikakata, we mwana noobe uli cintomfwa ee." Tekumona wapeene ukwipaya bataata ..."
- (i) Naani asosele aya mashiwi? [1]
- (ii) Ishiwi lishililweepo naani lileiminina? [1]
- (iii) Bushe aba abantu baalikwi pali ii nshita? [1]

4 **PIO NA VERA** (*SA Mpashi*) [10]

- (a) Muli ici citabo twaumfwa ukuti kwali umusungu uwakweete ifwamu kuncende imo ifi. Lumbula:
- (i) incende ukwabeleeele ili ifwamu. [1]
  - (ii) Ishina lya uyu umusungu. [1]
  - (iii) Ishina lya kwa cilumendo aaleeboomba pali ili ifwamu. [1]
- (b) Muli ici citabo, ka Chola kalondololwa nga kalumendo akakalabana kumilimo yapaṅanda. Ukucila pamilimo kalebomba paṅanda yakwa Pio, londolola mu bwipi ifyo ka Chola kayafwile Pio mukusokolola ifipondo fyaipeye Kolala. [4]
- (c) Acili kuli ba Lasalo Vera apatilwe nganshi kubabiye. Mubwipi, londolola icalengele Vera ba mupate kubabiye. [3]

5 **UWAKALEMA TAKALEKA** - (*A.R. Chibamba*) [10]

Asuka ameepusho yonse ayafumine muli ici citabo.

- (a) Mu musapu nangu ishiwi lyantanshi muli ici citabo kalemba atufunda ukuti:
- Ubusuma bwaba bubili.
  - Nga wangala na babiyo abamisango iibi, tapaakapite inshita noobe wasanguka umubi.
- (i) Londolola umo kalemba aaloseshe pa kulanda amashiwi yakuti ubusuma bwaba bubili elyo upeelee icilangililo ukufuma mu citabo icilefikilisha ukuti ifyo kalemba aalandile fiishinka. [2]
- (ii) Londolola umo kalemba aaloseshe pa kulanda amashiwi yakuti nga wangala na babiyo abamisango iibi tapakapite inshita noobe wasanguka umubi elyo upeelee icilangililo ukufuma mu citabo icilefikilisha ukuti ifyo kalemba aalandile fiishinka. [2]
- (iii) Ukufumyako ifwe fwebaleebelenga ici citabo, ni baani bambi kalemba aatiila ebo aaleecenjeshako? [1]
- (iv) Lemba ipinda kalemba aabomfеше ilya yaana na mashiwi yakuti nga wangala na umupuupu na iwe ukaba umupuupu. [2]
- (b) Ukukuupa Joni Bowa aupile Janet Phiri kutufundishafye ukuti 'icitemwiko cifimba pa bubu. Londolola umulandu aya mashiwi yabeelele aya yaana na ifyacitike. [3]

**ICIPANDE CABUTATU: AMAPINDA NA INSOSELO [20]**

- 1** Pwishishisha Icipaande icibuliile kuli aya amapinda yapeelwe peesamba elyo na ukulondolola cila ipinda umolilolele.
- (a) (i) ....., tayashingauka ikoshi. [1]  
(ii) Emukutiila: ..... [1]
- (b) (i) Sunga umukoshi . ..... [1]  
(ii) Emukutiila: ..... [1]
- (c) (i) Ukuulu undapa umulwele ..... [1]  
(ii) Emukutiila: ..... [1]
- (d) (i) ..... eko bominako imbwa. [1]  
(ii) Emukutiila: ..... [1]
- (e) (i) Umupama pamo ..... [1]  
(ii) Emukutiila: ..... [1]

- 2** Londolola umwalola insoselo ishi shili mu miseela ikonkelepo pamo ngeefi: Lengwe twende untwaale, 'twende babili, temwenso'
- Emukutiila:** Ukwafwana apotubebele kwaliwama pantu ificitika fingi elyo teti utungulule ifintu weka.

Ale nombamba asuka aya amepusho yakonkelepo munshila imo ine.

- (a) Akaboko kakonka akabiye.  
Emukutiila: ..... [2]
- (b) Uluse lwalile inkwale.  
Emukutiila: ..... [2]
- (c) Changa baseka uwaceelwa.  
Emukutiila: ..... [2]
- (d) Umwana kasembe kakukoma wabwela wakobeka.  
Emukutiila: ..... [2]
- (e) Uwa mabele talangwa nshila.  
Emukutiila: ..... [2]

**Amashindano Yapwa!**